



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj:10-33- 13651-4-51/23
Sarajevo, 20.06.2023.godine

SKUPŠTINA KANTONA SARAJEVO
Služba za Skupštinske poslove

PREDMET: Odgovor na zastupničku inicijativu-dostavlja se

Zastupnik Damir Marjanović je na Sedmoj radnoj sjednici Skupštine Kantona Sarajevo, održanoj 19.04.2023.godine, u okviru tačke Dnevnog reda "Poslanička/zastupnička pitanja, inicijative i odgovori" podnio sljedeću zastupničku inicijativu:

"Podnosim inicijativu da Ministarstvo zdravstva Kantona Sarajevo, što hitnije, obezbijedi dovoljne količine zaliha i riješi čest i kontinuiran problem nedostatka citostatika za onkološke pacijente".

U vezi sa dostavljenom zastupničkom inicijativom, Ministarstvo zdravstva Kantona Sarajevo dostavlja sljedeći

ODGOVOR

Podnešena zastupnička inicijativa je proslijeđena Zavodu zdravstvenog osiguranja Kantona Sarajevo čiji odgovor u prilogu ovog akta u cijelosti dostavljamo.

S poštovanjem,

PO OVLAŠTENJU MINISTRA
SEKRETAR MINISTARSTVA
Alen Katović  pravnik




DOSTAVITI:

- Naslovu
- a/a



Broj: 01-33-5-9403-1/23
Sarajevo, 16-06-2023

MINISTARSTVO ZDRAVSTVA KANTONA SARAJEVO
REISA DŽEMALUDINA ČAUŠEVIĆA 1
71000 SARAJEVO
N/R PROF. DR. HARIS VRANIĆ, MINISTAR



Predmet: Odgovor na zastupničku inicijativu

Poštovani,

Vašim aktom 10-33-13651-4/23 od 16.05.2023. godine dostavili ste nam zastupničku inicijativu zastupnika Damira Marjanovića sa 7. radne sjednice Skupštine Kantona Sarajevo za obezbjeđenjem citostatika koja glasi "Podnosim inicijativu da Ministarstvo zdravstva Kantona Sarajevo, što hitnije, obezbijedi dovoljne količine zaliha i riješi čest i kontinuiran problem nedostatka citostatika za onkološke pacijente". Pomenutim aktom od nas tražite dostavljanje našeg stava radi prosljeđivanja zastupnicima Skupštine Kantona Sarajevo.

Odredbama Odluke o listi lijekova Fonda solidarnosti Federacije Bosne i Hercegovine utvrđena je lista lijekova koja se finansira sredstvima Fonda solidarnosti, a među kojima se nalaze i cistostatici koji se nabavljaju za potrebe osiguranika u FBiH. Sredstva Federalnog fonda solidarnosti osiguravaju se iz doprinosa za obavezno zdravstveno osiguranje koji plaćaju osiguranici i njihovi poslodavci, a dijelom iz sredstava budžeta FBiH putem transfera Federalnog ministarstva zdravstva.

Istovremeno, odredbama važeće Odluke o listi lijekova FBiH, kao i odredbama važeće Odluke o listi lijekova Kantona Sarajevo, utvrđena su prava osiguranih lica na korištenje lijekova koji se obezbjeđuju na teret sredstava Zavoda zdravstvenog osiguranja Kantona Sarajevo, a među kojima se zbog naprijed navedene podjele u finansiranju ne nalaze citostatici. Sve troškove lijekova sa ove liste snosi isključivo Zavod zdravstvenog osiguranja Kantona Sarajevo srazmjerno utvrđenom učešću na listi, pri čemu većinu lijekova finansira u 100% iznosu, te se za navedeno se izdvajaju velika novčana sredstva koja su u prethodnoj godini blizu 90.000.000 KM.

Cijeneći navode iz inicijative, te sve naprijed navedeno, evidentno je da se nabavka i finansiranje citostatika ne može vršiti iz sredstava Zavoda zdravstvenog osiguranja Kantona Sarajevo, niti ovaj Zavod ima nadležnost za postupanje prilikom nabavke i finansiranja cistostatika.


Skrećemo pažnju da, mi kao Zavod, podržavamo sve aktivnosti koje će unaprijediti zdravstvenu zaštitu naših osiguranika, uključujući i one koje se odnose na obezbjeđivanje adekvatne terapije lijekovima - citostaticima, te da ukoliko Ministarstvo zdravstva Kantona Sarajevo ima mogućnost da obezbijedi iz sredstva budžeta za ovu aktivnost da bi ista svakako bila korisna i prihvatljiva. Međutim, važno je istaći i da ukoliko je problem nedostatka citostatika uzrokovan neadekvatnim procedurama i problemima u provođenju postupaka

javnih nabavki koje provodi Zavod za zdravstveno osiguranje i reosiguranje FBiH (za potrebe Fonda solidarnosti) ili nedostatkom novčanih sredstava zbog neizvršavanja zakonskih obaveza od strane Federalnog ministarstva zdravstva, onda bi se takav problem morao rješavati prije svega dodatnim angažmanom navedenih aktera, a ne na teret sredstva budžeta Kantona Sarajevo.

S poštovanjem,



DIREKTOR



Mr.sci.oec.Muamer Kosovac

Dostaviti:

1. Naslovu
2. Direktor
3. Odjel za farmaceutske poslove
4. a/a